

## **“O‘zkimyosanoat” aksiyadorlik jamiyati yagona aksiyadorining 20-son qarori**

2022-yil 15-noyabr

Toshkent shahri Shayxontohur tumani Navoiy ko‘chasi, 38-uy.

### **KUN TARTIBI:**

1. “O‘zkimyosanoat” AJning qo‘shimcha aksiyalarini chiqarish orqali ustav fondini (ustav kapitalini) ko‘paytirish to‘g‘risida.

2. “O‘zkimyosanoat” AJning aksiyalar qo‘shimcha chiqarilishi to‘g‘risidagi qarorini tasdiqlash to‘g‘risida.

### **Kun tartibidagi masala yuzasidan qaror qabul qilindi:**

1. “O‘zkimyosanoat” AJning 904 343 636 650 so‘mlik ustav fondini 1 364 577 035 865 so‘mga yetkazish uchun nominal qiymati 1 145 so‘mdan bo‘lgan 401 950 567 dona umumiy qiymati 460 233 399 215 so‘mlik egasining nomi yozilgan oddiy qo‘shimcha aksiyalar chiqarilsin.

2. Qo‘shimcha aksiyalarni joylashtirish tartibi va shartlari quyidagicha belgilansin:

Aksiyalar jamiyatning yagona aksiyadori – O‘zbekiston Respublikasi Moliya vazirligiga yopiq usulda birjadan tashqari uyushmagan qimmatli qog‘ozlar bozorida to‘g‘ridan-to‘g‘ri bitimlarni ro‘yxatdan o‘tkazish yo‘li bilan joylashtiriladi;

Aksiyalarni joylashtirish qo‘shimcha aksiyalar chiqarish to‘g‘risidagi qaror qimmatli qog‘ozlar bozorini tartibga soluvchi vakolatli davlat organi tomonidan davlat ro‘yxatiga olingan kundan boshlab 30 kun davomida amalga oshiriladi;

Aksiyalarni joylashtirishni boshlash sanasi – qo‘shimcha aksiyalar chiqarish to‘g‘risidagi qaror qimmatli qog‘ozlar bozorini tartibga soluvchi vakolatli davlat organi tomonidan davlat ro‘yxatiga olingan kun;

Agar joylashtirishning boshlanish sanasi dam olish kunlariga to‘g‘ri kelsa, joylashtirishning boshlanish sanasi o‘sha kunlardan keyingi birinchi ish kuniga ko‘chiriladi.

Aksiyalarni joylashtirishni tugatish sanasi – ushbu chiqarilishdagi eng oxirgi aksiya joylashgan sana, lekin qo‘shimcha aksiyalar chiqarish to‘g‘risidagi qaror qimmatli qog‘ozlar bozorini tartibga soluvchi vakolatli davlat organi tomonidan davlat ro‘yxatiga olingan kundan boshlab 30 kundan oshmasligi lozim;

Ushbu chiqarilishdagi aksiyalar 1 145 (bir ming bir yuz qirq besh) so‘mdan joylashtiriladi;

Aksiyalar uchun to‘lov quyidagilar hisobiga amalga oshiriladi:

O‘zbekiston Respublikasi Vazirlar Mahkamasining 2021-yil 21-dekabrda 792-F-son farmoyishi asosan Toshkent kimyo-texnologiya instituti va “O‘zkimyosanoat” AJ o‘rtasida 2022-yil 19-yanvarda tuzilgan topshirish-qabul qilish dalolatnomasi asosida “O‘zkimyosanoat” AJ ustav fondidagi davlat ulushini oshirish hisobiga berilgan Toshkent shahri Mirzo Ulug‘bek tumani TTZ-1 mavzesi, 47-uy manzilida joylashgan Toshkent kimyo-texnologiya institutiga tegishli bo‘lgan bino va inshootlarning 2 144 101 618 (ikki milliard bir yuz qirq to‘rt million bir yuz bir ming olti yuz o‘n sakkiz) so‘m 83 tiyin balans (qoldiq) qiymati;

O‘zbekiston Respublikasi Vazirlar Mahkamasining “Kimyo sanoati sohasida fosforli o‘g‘itlar ishlab chiqarishni yanada kengaytirish chora-tadbirlari to‘g‘risida” 2022-yil 21-fevraldagi qaroriga asosan “Olmaliq KMK” AJ, “O‘zkimyosanoat” AJ va “Qizilqum fosforit kompleksi” MChJ o‘rtasida 2022-yil 10-martda tuzilgan topshirish-qabul qilish dalolatnomasi asosida “O‘zkimyosanoat” AJ ustav fondidagi davlat ulushini oshirish hisobiga berilgan “Olmaliq KMK” AJga tegishli “Qizilqum fosforit kompleksi” aktivlarining 450 665 149 465

(to‘rt yuz ellik milliard olti yuz oltmish besh million bir yuz qirq to‘qqiz ming to‘rt yuz oltmish besh) so‘m balans (qoldiq) qiymati;

O‘zbekiston Respublikasi Prezidentining “Toshkent viloyatida “Chirchiq” kimyo-industrial texnoparkini tashkil etish chora-tadbirlari to‘g‘risida” 2022-yil 3-fevraldagi PQ-116-son qaroriga asosan “Olmaliq KMK” AJ va “O‘zkimyosanoat” AJ o‘rtasida 2022 yil 5 avgustda tuzilgan topshirish-qabul qilish dalolatnomasi asosida “O‘zkimyosanoat” AJ ustav fondidagi davlat ulushini oshirish hisobiga berilgan Nodir metallar va qattiq qotishmalar ishlab chiqarish bo‘yicha ilmiy-ishlab chiqarish birlashmasidagi bino-inshootlarni va ular joylashgan yer maydonlarining 2 891 500 527 (ikki milliard sakkiz yuz to‘qson bir million besh yuz ming besh yuz yigirma yetti) so‘m 67 tiyin so‘m balans (qoldiq) qiymati;

O‘zbekiston Respublikasi Prezidentining 2022-yil 27-sentabrdagi qaroriga asosan “Farg‘onaazot” AJ, “O‘zkimyosanoat” AJ, Davlat aktivlarini boshqarish agentligi Farg‘ona hududiy boshqarmasi va Farg‘ona viloyati hokimligi o‘rtasida 2022-yil 21-oktabrda tuzilgan topshirish-qabul qilish dalolatnomasi asosida “O‘zkimyosanoat” AJ ustav fondidagi davlat ulushini oshirish hisobiga berilgan Farg‘ona shahar Kimyogarlar ko‘chasi, 1-uy manzilida joylashgan “Farg‘onaazot” AJning 3-son sanoat maydonchasidagi “Atsetat tolalari” ishlab chiqarish sexining tutash hududi bilan birga (sobiq “Kimyoviy tolalar zavodi” DUK) bino va inshootlarining 4 532 647 641 (to‘rt milliard besh yuz o‘ttiz ikki million olti yuz qirq yetti ming olti yuz qirq bir) so‘m 57 tiyin balans (qoldiq) qiymati;

Shuningdek, 2020-yil 26-iyunda R0315-14-son bilan davlat ro‘yxatidan o‘tkazilgan “O‘zkimyosanoat” AJning aksiyalar qo‘shimcha chiqarilishi to‘g‘risidagi qaroriga asosan 438 so‘m 72 tiyin hamda yagona aksiyadorning 2021-yil 20-dekabrda 8-son qaroriga asosan 341 so‘m 08 tiyin miqdoridagi qoldiq summa jami 460 233 400 032,87 so‘m mablag‘lari hisobidan amalga oshiriladi. Bunda 817 so‘m 87 tiyin miqdoridagi qoldiq summa davlat aktivi sifatida kelgusida hisobga olinsin.

Mazkur chiqarilish amalga oshmagan deb topilgan taqdirda, ushbu chiqarilishdagi aksiyalar to‘loviga yo‘naltirilgan mablag‘lar qonunchilikda belgilangan tartibda aksiyalar chiqarilishi amalga oshmagan deb topilgan kundan boshlab, 10 kun ichida qaytariladi.

3. “O‘zkimyosanoat” AJning aksiyalari qo‘shimcha chiqarilishi to‘g‘risidagi qarori ilovaga muvofiq tasdiqlansin.

4. Jamiyat boshqaruvi raisi v.v.b. (Korjikov) aksiyalar qo‘shimcha chiqarilishi to‘g‘risidagi qarorni belgilangan tartibda davlat ro‘yxatidan o‘tkazish bo‘yicha tegishli ishlarni amalga oshirsin.

*Qaror rasmiylashtirilgan sana: 15.11.2022-yil*